

20 tahun FPSK UMS mengasimilasi ilmu kepada masyarakat

Ramai graduan cemerlang dilahirkan, mencipta kejayaan bermakna untuk diri, keluarga, masyarakat dan negara

UB 24.12.2023 P.08

KOTAKINABALU: Fakulti Perubatan dan Sains Kesihatan (FPSK), Universiti Malaysia Sabah (UMS) telah memulakan langkahnya pada tahun 2003 dengan misi dan visi untuk menjadi pusat asimilasi (assimilation) dan penyebaran (dissemination) ilmu pengetahuan, penemuan, inovasi dalam bidang perubatan, sains kesihatan melalui aktiviti pengajaran, pembelajaran, penyelidikan dan perkhidmatan kesihatan kepada masyarakat.

Lima tahun selepas itu, iaitu pada tahun 2008, graduan suling fakulti ini telah dihasilkan dan kini, FPSK telah menelusuri 20 tahun proses asimilasi serta penyebaran ilmu pengetahuannya.

Natijahnya, sebanyak 16 generasi graduan telah dihasilkan termasuklah generasi graduan pada Majlis Konvokeyen UMS Kali ke-25 baru-baru ini melibatkan 158 graduan, menjadikan jumlah kumulatif alumni FPSK kini 1,821 orang.

Pada majlis konvokeyen edisi ke-25 itu, FPSK terus mencipta sejarah gemilangnya apabila buat julung kalinya, pengasas dan dekan pertama FPSK (2003-2011) iaitu Prof. Dr. Osman Ali dianugerahi gelaran Profesor Emeritus oleh Yang Dipertua Negeri Tun Juar Mahiruddin yang juga Canselor UMS semasa sidang pertama majlis konvokeyen berkenaan.

Penganugerahan itu adalah atas peranan signifikan beliau dalam memajukan infrastruktur asas, pendidikan dan penyelidikan fakulti, termasuklah penubuhan Pusat Pendidikan Perubatan Desa atau Rural Medical Education Centre (RMEC) pada 2009 di Sikuati, Kudat.

Graduan Ijazah Doktor Perubatan FPSK, Dr. Tang Yi Lin turut mencipta sejarah apabila dianugerahi Pingat Emas Canselor buat julung kalinya setelah mendapat pucuk nilai gred PNGK 3.97.

Telah menjadi tradisi fakulti ini, majlis 'Celebrate Your Success' telah diadakan sebelum majlis konvokeyen di Auditorium Utama FPSK sebagai platform merai, menghargai dan mengiktiraf kejayaan para graduan serta penasihat akademik (supervisor) terlibat.

Antara pengisian utama majlis adalah acara 'hooding ceremony', penyampaian anugerah dan hadiah khas graduan cemerlang termasuk



ALBUM: Dekan dan pensyarah bersama graduan pascasiswazah (DrPH, MPH dan MMedSc.) selepas selesai majlis konvokeyen di Dewan Canselor UMS bagi graduan berkenaan.



CEMERLANG: Penganugerahan gelaran Profesor Emeritus kepada Prof. Dr. Osman Ali.

klah Hadiah Osman Ali serta sesi ikrar 'Physician's Oath' oleh graduan perubatan dan Nightingale Pledge daripada graduan kejururawatan.

Kedua-dua ikrar ini merupakan tradisi dalam kalangan graduan perubatan sebagai manifestasi dan komitmen memelihara prinsip, etika dan profesionalisme dalam kalangan doktor serta pengamal perubatan sains kesihatan.

Hadiah Osman Ali telah dimulakan sejak tahun 2022 merupakan sumbangan dan ishan daripada Prof. Dr. Osman Ali sendiri. Dr. Tang Yi Lin, graduan Doktor Perubatan yang juga penerima anugerah Pingat Emas Canselor adalah penerima hadiah khas ini.

Prof. Dr. Osman Ali ketika berkongsi pengalaman dan aspirasi beliau kepada kakitangan dan graduan FPSK dalam sesi 'Inspirational Talk' menyatakan FPSK kini terus mengalami kemajuan yang membanggakan, apatah lagi apabila Hospital UMS (HUMS) siap beroperasi kelak.

Justeru, beliau menyarankan para graduan agar terus berkhidmat dan sentiasa memajukan ilmu serta kepakaran perubatan masing-masing untuk kesejahteraan diri dan orang lain khususnya pesakit mereka di masa hadapan.

Dalam pada itu, alumni merupakan aset bernilai yang menjadi output operasi dan proses pembelajaran serta

pengajaran di sesebuah institusi pendidikan, sekaligus menjadi katalis pembangunan sosioekonomi masyarakat dan negara.

Alumni FPSK UMS yang berjumlah 1,821 orang telah dan akan kembali berkhidmat sama ada sebagai seorang doktor pakar perubatan atau pekerja profesional sains kesihatan lain.

Terdapat juga alumni seperti 'sirih pulang ke ganggang', kembali menabur khidmat kepada alma maternya, dan langkah murni ini bukan sahaja mampu mendidik pelajar baharu menjadi pakar perubatan seperti mereka, tetapi pada masa yang sama membantu memperkuat tenaga pakar perubatan di fasiliti



ASET BERNILAI: Program KPT Prihatin MADANI oleh HUMS melibatkan kakitangan dan pelajar FPSK

kesihatan negara.

Contohnya, Dr. Yeap Boon Tat, alumni generasi pertama FPSK yang kini bertugas sebagai Pensyarah Kanan Perubatan dan juga seorang pakar bios otak (neuroanaesthesiologist).

Beliau telah mencipta sejarah bersama pakar perubatan dari Hospital Queen Elizabeth 2 (HQE2) Kota Kinabalu, Sabah apabila berjaya melaksanakan pembedahan otak secara sedar atau 'awake craniotomy' buat julung kalinya di Sabah pada 12 Januari 2023.

Selain penghasilan graduan atau alumni, impak proses asimilasi dan penyebaran ilmu pengetahuan fakulti juga dapat dilihat pelaksanaan program community engagement, selaras dengan inisiatif Kementerian Pendidikan

Tinggi (KPT) yang menggabungkan objektif pembelajaran dengan komuniti yang dikenali Service Learning Malaysia-University For Sabah atau ringkasnya SULAM.

Dalam hal ini, FPSK merupakan antara fakulti yang aktif melaksanakannya melalui Program Perkongsian Universiti-Keluarga atau ringkasnya PUPUK yang telah dilaksanakan secara berterusan sejak awal penubuhan FPSK pada tahun 2003.

Program ini wajib disertai oleh semua pelajar, dengan setiap pelajar mendapat keluarga angkat dan perlu melaksanakan sekurang-kurangnya 15 kali lawatan kepada keluarga angkat masing-masing sepanjang lima tahun pengajian mereka.

Sejak awal pelaksanaan program ini pada tahun 2003, seramai 1,585 pelajar dan 32 buah kampung sekitar daerah Kudat telah mendapat manfaat.

Impak program ini bukan sahaja kepada pelajar, malah keluarga angkat terlibat, iaitu mereka berpeluang mendapat khidmat nasihat, motivasi dan pemeriksaan asas kesihatan hasil daripada lawatan pelajar terlibat, dan sekiranya keluarga angkat memerlukan rawatan kesihatan lebih lanjut, anak angkat mereka akan merujuk ke Klinik Komuniti RMEC, FPSK di Sikuati, Kudat. Rawatan di klinik ini adalah percuma.

Selain program PUPUK, FPSK turut melaksanakan beberapa aktiviti lain bersinergi SULAM iaitu Community Medicine Posting (CMP), Health Promotion

Program (HPP) di samping aktiviti Community Outreach Program (COP) melalui kerjasama HUMS dan KPT yang dikenali sebagai program KPT Prihatin MADANI.

Semoga kelestarian proses asimilasi dan penyebaran ilmu oleh fakulti ini terus terlaksana dan dapat dirasakannya lagi selaras dengan aspirasi pihak pengurusan universiti pada masa kini iaitu meletakkan UMS sebagai 'Leading Towards Innovative Societies'. Selamat menyambut ulang tahun ke-20 dan tahuniah kepada semua graduan FPSK generasi ke-16 tahun 2023.

Semoga terus bersedia mencipta kejayaan yang lebih bermakna untuk diri, keluarga, masyarakat dan negara.